



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De tribus quæstionibus Pauli. tit. 148

urn:nbn:de:hbz:466:1-29452

fuerit sine querela in iustitia operum & legis, sed abijcit vt stercora, quatenus habet iustitiam, quæ ex de Iesu Christi est, sine iustitia fidei, legis nulla est. Si ex operibus legis non iustificatur omnis caro, &c. licet non iustificet, id est, causa sit, propter quâ Deus iustificet & saluet, sed Christus, at tamē necessaria est, quod sine illa prior non retinetur. Romanor. 8. Si secundum carnem vixeritis, &c. subindè etiam habet sua præmia in hac & post hanc vitam, 1. Corinthior. 13. & 15.

Tertio, hanc iustitiam fidei, dicunt sectæ, quod non nouit Ecclesia Romana. Item quod nullam aliam iustitiam doceat præter legis, hac esse iustum hominē, hac mereri remissionem peccatorum, hac satisfacere perfectè legi Dei &c. quæ omnia sunt falsa & mendacia. Omnis qui credit in Christum, sicut omnis à baptismo & puero credimus & vouemus, hic habet iustitiam fidei, & primò & ante omnia opera. Hæc est fundamentum, id est, fides in Christum, & super hoc quisque struit, hic argentum, iste aurum, ille stipulæ, fœnum, lignum, 1. Cor. 3. id est, opera, & iuxta illa reddet cuique Deus, Mat. 16.

Quartò, Ecclesia docuit semper nos gratia, id est, misericordia Dei propter Christum iustificari, & gratia Dei esse iustos, & id quod sumus, sicut Paulus 1. Cor. 15. dicit, gratiæ Dei id esse, Acto. 15. Sed Poëtica Theologica hoc, quod Ecclesia tribuit gratiæ, hoc inquam ipsa fidei soli tribuit. At cū misericordia Dei, passio Christi, non sit fides mea, sed fides vt medium apprehendit illa, ideo rectiùs docet Ecclesia.

DE TRIBUS QVÆSTIONIBUS Pauli.

TITVLVS CXLVIII.

Tres



RES difficillimas quæstiones soluit Apostolus in suis scriptis. Prima est, quidnam iustificet, id est, impetret remissionem peccatorum, Spiritum sanctum, vitam æternam peccatori, num fides Christi, an opera aut obedientia legis? altera quæstio: si fides iustificet, & non decalogus, an omittendus sit, necne? Tertia: Si decalogus ex fide obseruandus est necessariò, an mereatur vitam æternam?

Ad primam quæstionem sic respondet, Roman. 3. Arbitramur hominem iustificari fide aut per fidem, gratis absque merito operum legis, etiam si præcesserint iustificatione. Gratis iustificamur gratia ipsius, id est, Christi, per fidem. Iustificatio autem nunc est remissio peccatorum, acceptatio personæ in filium Dei, & hæredem regni æterni, Roman. 8. atque donatio cum Spiritu sancto, ad Tit. 3. omnia hæc impetrat fides propter Christum. Non ergo propter obseruantiam Decalogi aut operum Deus iustificat, sicut opinantur Iudæi, sed propter fidem in Christum. Illum constituit Deus propiciatorem, id est, causam esse iustificationis, & non opera legis, eò quòd conscientia non quietatur per opera, in quibus semper adhuc aliquid desideratur, quod minùs factum est. Ioann. septimò. Nemo vestrum seruat legem. Actor. 15. Primus ergo gradus est salutis, confiteri quoniam propter solum Christum gratis iustificamur, &c.

Alteram quæstionem quoque soluit, Roman. 3. scilicet, quòd licet Deus per fidem in Christum iustificet, & non propter decalogum ad opinionem Iudæorum, atramen necessariò fieri debet obseruantia illius. Fide ergo destruimus legem? Absit, immò statim destruis legem, sed hoc quare? Respondeo, Propter præceptum Dei, qui præcepit obseruare decalogi opere, Exo. 20. & Deut. 28. & Deo tenemur obedire. Et si non obedierimus, & carnales in fide fuerimus,

mus, tunc sequetur perditio fauoris & gratiæ diuinæ atq; salutis æternæ. Rom. 8. Si secundum carnem iuxeritis, &c. 1. Cor. 6. Ephe. 3. Galat. 5. opera carnis istam punitio in 3. & 4. generationem &c. Necesse est ergo requiruntur pia opera post fidem, aut ex fide Christi facta, si gratia, iustificatio, promissa salus retineri debent. Obedientia igitur & retentio iustificationis, statuunt ex fide legem.

Tertiam questionem, an decalogus mereatur vitam æternam, soluit, respondens primum Rom. 5. gratia, vel donum Dei, vita æterna: pro quo notandum, quod nullus Apostolorum neq; Christus præcise illo termino vtuntur, scilicet, quod opera mereantur vitam æternam, sed alijs verbis, id est, metent, Gal. 6. vitam æternam, & Christus, possidere, Matt. 25. Venite, possidete, &c. & Matth. 19. Si vis ingredi in vitam, &c. & 2. Timoth. vltim. apposita corona iustitiæ: opera verba omnia potius id significare videntur, quod alius est, qui meruit vitam æternam: & alius est qui meruit, possidet, capit coronam misericordiæ. Ideo Christus licet solus meruit cælum, nulli tamen distribuitur nisi per medium operum, & obedientiam decalogi: & sic concludit Paulus, quod nos sumus possessores, &c. per opera, vt merita, non tamen vt merita, &c. soli Christo gloria.

QUID EST PRAEDESTINATIO, VOCATIO, IUSTIFICATIO, ET GLORIFICATIO.

TITVLVS CXLIX.

Primò, prædestinatio est electio, qua et misericordia Deus nos ab æterno elegit ad salutem propter Christum. Ephe. 1. Elegit nos in Christo ante constitutionem mundi, ad laudem gloriæ gratiæ suæ. Nō ergo habet aliam causam hæc electio, nisi Christum, non nostra merita aut opera legis. Rom. 9. Non